



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Fasti Mariani Cum Divorvm Elogiis In Singvlos Anni Dies
Distribvtis**

**Brunner, Andreas
Pfeffer, Wilhelm**

Antverpiæ, 1637

B. Conradus Placentinus C. 19. Februarii.

urn:nbn:de:hbz:466:1-44055

B. CONRADUS PLACENTINUS C.

19. Februarii.

Dum feras venatur CONRADVS, ipse venator
cælo sit præda. Etenim cùm, quòd feræ du-
metis se abdidissent, irâ succensus silvas quoque
succenderet, facinusque id nescio quis paupercu-
lus laqueo jam jam lueret, accurrit CONRADVS, &
innocentem confessione suâ, damnum nummis
redemit. Subinde iterum silvas saltusque, sed san-
ctius jam amavit, & in loco, quem hodie etiam
nomine suo nobilitat, vitam solam agere insti-
tuit, jamque cælum captare, cælo retia ponere.
Verum cùm vicissim retia illi Cupido strueret, ar-
tes fugiendi nuper à feris edoctus in vepres se
nudum abjecit, indeque iterum saucium Cupidi-
num risit. Porrò adolescenti scelerato, & jam jam
haftâ è cælo transfigendo clypeum preces suas
objecit. Hospitem Episcop. Syracusanum cùm ha-
beret, quatuor in symbolam à cælo placentas ac-
cepit, alias pro operis panes recentes. Alii cùm
carnem illi suillam feriâ VI. apposuissent, jussit
hanc in pisces abite, calumniamque impactam
ostensis spinis, squamisque elusit. Mortuus in ge-
nibus tamen deprehensus est stationem suam re-
nere. funus ultrò luxit sive laudavit potius æs
campanū Neti & Hyblæ. utraque civitas cùm sibi
corpus vindicaret, Hyblenses neque movere, Ne-
tini facili negotio loculum auferre potuerunt,
puto quod propior Netinis jam assueverat cum
illis habitare. Ex Ferrar.

Cùm spes misericordia est, cùm tempus est venie,
confiteamur pari, ne Iudicem sentiamus: prodamus qua-
fecimus pietati, ne severitati cogamur exoluere, qua ta-

E 5 cenus;

cemus ; dicamus indulgentiae tempore delicta nostra, ne ad excipiendam sententiam defleamus. S.Pet.Chrys. serm.42.

S. EUCHERIUS EP. 20.Februarii.

EVCHERIO nascituro infulam Aurelianensem Angelus promisit; dedit deinde hanc Carolus Martellus ; sed idem, cum aures calumniatoribus præberet, pessimo consilio ademit. Excepit Colonia exulem parum jam morantem, quā in parte exilii potissimum viveret , cum exilium esse totum orbem non malè jam tunc credidisset , cum Monachum prius quam Episcopū induit. At verò gravius jam erit Carolo cælo exulare. Certè Eucherius dum inter preces inferorum ergastula contemplatus est, vidi hunc ipsum Carolum non jam purpurā , sed ignibus ardere , didicitque ob manus sacrī injectas spoliisque pauperum ditatos milites (time artas nostra) corpore quoque jam pœnas dare. Atque Eucherio si fidem non dedit Gallia, certè tumulo potuit dare, qui apertus præter ignium vestigia vacuæque tumbæ custodem draconem, nihil ostendit. Itaque, qui exulare virtutem regno jussérat , tumulo etiam exul fuit, cum interim Eucherius cælo receptus rideat illos, qui patriam in terris querunt, neque vacuum Gallis tumulum ostendat , quando in illo cæci oculos suos , claudi pedes, miseri passim omnes salutem reperiunt. *Ex Surio.*

Quid profuit mortuis inanis gloria , brevis latitia, mundi potentia, carnis voluptas , falsa divitiae, magna familia & mala concupiscentia? Vbi risus? ubi jocus? ubi jactantia? de tanta latitia quanta tristitia? post tantam voluptatem quam gravis miseria? S.Bern.in Med.

SS. MAU-

cum
signa
Religi
tus,
Pug
gris,
quid
Sed
tyrur
flagr
leo,i
los c
ctur
Add
huj
fect
rum
inte
culc
mit
corpi
tis;
par
Ma
ris
etia
mu
qui